

Republika Srbia
MINISTRIBE ANDRUNE BUKJENGO

Direkcia policiaki

PD _____

PS/PI _____

Dive: _____

Than: _____

HAKAJ TIKNOBERŠENGO ANO STATUSI DIZUTNENGO¹

Te sine kaj djanea diso semno vaš te arakholpe daj došalimasko keripe jase persona savo odova kerdi, policia šaj te akharoltu vaš kedipe informaciengo kotar odova keripe.

Akharipe kerelape prekal tere daj/dat, lelutno² jase dikhlardutno³, numa te sine kaj nane šaj vaš sigutni procedura ini ano akharipasko lil musaj te phenolpe sebepi akharipasko.

Kedipe informaciengo kerela policiako administratori savo nakhla ulavdo sikhloviipe kotar umal hakaja čhavoreshke, phagipe kanunesko tiknoberšutnengo thaj došalipaskojuridikako uluviipe tikneberšutnenge personengo, thaj vaš odova astardoj ulavde kompetencie. Vakheribe tuva šaj te kerol numa uzo toro daj/dat, lelutno jase dikhlardutno.

Te sine kaj zorakharelape kaj toro daj/dat, lelutno jase dikhlardutno kerdoj došalimasko keripe prekal tute, policiako administratori manglape te resol tuke ekspertsko persona kotar centri vaš socialno buti. Odoja persona ano than tere daj/dat, lelutno jase dikhlardutno ka ovol ano sa podur vakheripe thaj ini pedo manglipe ka lol napja uluvipaske.

Kedipe informaciengo šaj te ovol majdur dji štar satja thaj khonik našti te trumineltu te phene odova so na mangea.

Sa kedime informacie savo lela tutar, policiako administratori čhivela ano ulavdo notesi (sp. oficielno notiribe). Pedo agor vakheribasko manglape tuke te drabarol oficielno notesi, a ano oleste čhivela tere thaj eventualno sugestie tere daj/dat, lelutno jase dikhlardutno. Te sine kaj tumen rodена, manglape te dolpe kopia oficielno notiribe.

¹ Dizutno sitoj persona savi šaj te ovel ola djandipe semne vaš arakholpe došalimasko keripe jase persona savo odova keripe kergja;

² Te sine kaj nanetu djivde daj/dat jase tere daj/dat lelilo bijandutnesko hakaj, organi dikhlarnipasko (centri vaš socialno buti) šaj te kerol toro leipe aniba agorisibasko lil. Lelutno sito pherdoberšengi persona savo tere leipa lela daj/dadeske hakaja.

³ Dikhlardutno sito pherdoberšengi persona savi agorisibaski lilea kotar organi dikhlardipasko (centri vaš socialno buti) dendilo te dikhlarol vaš uluviipe tere hakajengo te sine kaj sijan čhavoro bi dako/dadesko jase tere daj/dadeske cidisalo hakaj kotar toro dikhlardipe. Dikhlardutno ulavipa kotar lelutno, na lela daj/dadeske hakaja.

Policia šaj popale tumen te akharol vaš kedipe informaciengo kotar aver daj došalimasko keripe jase kerdutno, vaš te kerolpe vakheribe kotar keripe vaš savo jekh drom vakhargjan našti popale te anoltu te sine kaj tu na mangea.

Te sine kotar kedipe informaciengo policia zorakharela kaj si dondo kaj kergjan došalimasko keripe šaj te e ašuneltu ano statusi dondutnesko/i.

Policiako administratori _____ dive _____ ano ____ sati, phengja vaš mere hakaja thaj dengja kopia formularesko «hakaja tiknoberšutnengo ano statusi dizutnesko» savo drabargjum – na manglum te drabarav.

parafi administratoresko

parafi tiknoberšengo/i

daj/dat/lelutno/dikhlardutno

Leparnibe⁴:

Te sine kaj tiknoberšengo/i na drabargja jase na mangla te drabarol formulari, hramin sebepi thaj de konstatacia kaj mujea vakherdilo thaj siklardilo kotar pere kanuneske

hakaja: _____

Te sine kaj tiknoberšengo/i fulinela te paraфинol formulari savo drabaringja, hramin sebepi:

Taj sine daj/dat/lelutno/dikhlardutno nane drabarindoj jase fulingja te drabarinol thaj te dol parafi pedo formulari hramin sebepi:

⁴ Te sine kaj dat/daj/lelutno/dikhlardutno nane odote, soske olesko nanipe kotar objektivno sebepja jase vaš bicidime ačhavipe, našti te resolpe javerutno ka ovol administratori organi dikhlaripasko (kompetentno centri vaš socialno buti).